



Crimen Fori Ecclesiastici

Seu Decretalium Gregorii IX. Pont. Max. Liber V ; Brevi Methodo ad discentium utilitatem Expositus, In quo praecipuae circa Materiam hujus Libri Quinti, quae tum in Theoria, tum in praxi occurrunt, difficultates solvuntur, allatis etiam contrà sentientium fundamentis, & horum solutionibus

Accedunt duo Indices, unus Titulorum initio Operis, alter rerum, & verborum notabilium in calce ejusdem

Schmalzgrueber, Franz

Ingolstadii, 1727

VD18 13510827-001

Titulus IV. Ne Prælati vices suas, vel Ecclesias sub Annuo Censu concedant.

[urn:nbn:de:hbz:466:1-75232](https://nbn-resolving.org/urn:nbn:de:hbz:466:1-75232)

TITULUS IV.

Ne Prælati vices suas vel Ecclesias sub annuo Censu concedant.

SUMMARIUM.

1. Utrum sub annuo Censu concedi possint Prælati, Dignitates, & Beneficia Ecclesiastica, hisque annexa potestas Spirituales?
2. Rationes dubitandi.
3. Resolvitur negativa.
4. Argumentis contrarijs. respondetur.
5. Utrum vendi, aut pro Censu annuo locari possit Jurisdictio temporalis?
6. An Prælati à Vicario, sibi substituto in Beneficio incorporato Ecclesie sue, possint accipere, vel exigere Pensionem annuam sub titulo Absentie?
7. Pœnæ contravenientium textibus istius Rubricæ?

Hactenus generaliter actum de Simonia: subjiciuntur duæ satis celebres ejus species, una, quæ in Ecclesiasticæ Jurisdictionis, altera, quæ in Licentiæ docendi concessione committi potest: de hac posteriore agetur Tit. seq. de priore hic, ubi examinatur, utrum sub annuo censu Prælati, Dignitates, Officia, & Beneficia Ecclesiastica, hisque annexa Jurisdictio, & potestas spiritualis concedi possint?

2 Rationem dubitandi facit 1. c. fin. h. tit. ubi cum Ecclesia sub annuo Censu ad septimum annum concessa ante istius lapsum Conductori ablata fuisset, ejus restitutionem Alexander III. imperavit. 2. potest ab Episcopo pro annua Pensione remitti Jurisdictio quæ eidem in Ecclesiam, vel Monasterium competeat, ut patet ex c. constitutus 6. de Relig. Domib. sunt autem paria quoad Simoniam remittere, & dare c. veniens 10. junct. Gloss. V. remittere de test. & attest. & c. querelam 15. de Simon. igitur etiam concedi sub hujusmodi pensione potest. 3. pro spirituali Jurisdictione exercenda pecunia potest accipi, & non raro accipitur à Vicarijs c. extirpanda 30. §. qui verò de Præb. & Dign. atqui non magis dare, quam accipere temporale pro spirituali Simoniacum est, ut patet ex Definitione Simoniacæ, quæ, ut Tit. præc. n. 3. vidimus, dicitur esse studiofa voluntas emendi, aut vendendi spirituale, vel spirituali annexum. 4. in Curia Romana solent vendi Clericatus Cameræ, & munera Auditorum Cameræ, quæ tamen habent annexam Jurisdictionem Ecclesiasticam, nomine Papæ exercendam, igitur etiam locari poterunt.

3 Sed his non obstantibus, dicendum, non posse sub annuo Censu, vel Pensione concedi Regimen, & Jurisdictionem, ac potestatem spirituales, Prælati Dignitatibus, Officijs, & Beneficijs annexam. Patet ex Præsentis Rubricæ, & textibus subjectis, ubi Alexander III. ejusmodi concessiones generaliter prohibet, & eos, qui illas faciunt, puniri jubet ademptione Ecclesiarum, sub annua Pensione concessarum. Concordat Trid. Sess. 25. c. 11. de reform. ubi di-

cutur, Non liceat etiam Jurisdictiones Ecclesiasticas, seu facultates nominandi, aut deputandi Vicarios in Spiritualibus locare, nec Conductoribus per se aut alios exercere, aliterque concessiones, etiam à Sede Apostolica factæ, subreptitiæ censeantur. Ratio est, quia sunt quid spirituale, aut spirituali annexum, quod pretio temporali æquiparari nequit, ita autem æquipararetur tam venditione, quam locatione pro pretio temporali. ergo &c.

Argumenta contraria non evincunt intentum. Ad 1. in c. fin. cit. non agitur de Locatione ipsius Ecclesiæ, vel Prælati, aut Jurisdictionis, & Administrationis his annexæ, sed de locatione fructuum, & obventionum dumtaxat, quorum, uti & ipsorum prædiorum, ex quibus illi proveniunt, Locatio ad modicum tempus Jure Decretalium antiquo permessa est, ut patet ex c. ad audientiam 9. de reb. Eccl. non alien. c. vestra 2. de Locat. & dictum est Libr. 3. tit. 18. n. 28. & seqq. Ad 2. quando c. constitutus cit. occasione remissa Jurisdictionis Ecclesiasticæ datur, & accipitur pecunia, ea non accipitur tanquam pretium, & æstimatio remissa Jurisdictionis, sed in ultius, & præteritæ subjectionis recognitionem, & concessæ libertatis signum juxta c. receptimus 8. de Privil. Gloss. in c. constitutus cit. V. recompensationem fin. Suar. l. 4. de Simon. c. 24. n. 37. Wiestner hic n. 5. Ad 3. Vicarij pecuniam, sive salaria non recipiunt tanquam pretium, sive compensationem exercitij Jurisdictionis, sed ut stipendium congruæ, & sibi debitæ sustentationis can. charitatem 45. caus. 12. q. 2. c. pervenit 28. de Appell. & c. de Recloribus 3. de Cler. ægrot. ne cogantur proprijs stipendijs militare contra doctrinam Apostoli 1. Corinth. 9. v. 7. Ad 4. in Clericatu Cameræ, & Auditoratu distinguendum est inter Jurisdictionem spirituales, & emolumentum temporale: illa absolute sine Simonia non potest vendi; istud vendi potest, si Papæ autoritate ab Officio spirituali separaretur, Angel. V. Simonia 2. n. 2. Suar. l. 4. de Simon. c. 20. n. 6. Palao tr. 17. D. 3. p. 12. n. 7. Gonzal. in c. 3. b. tit. n. 5. Zœl. hic n. 2. Wiestner ibid. n. 6.

n. 6. Magnif. P. Schmier p. 2. de Delict. c. 1. n. 66.

Dub. 1. utrum vendi, aut pro censu annuo locari possit Jurisdictio temporalis? *negativè.* Et quidem si Jurisdictio ista habeatur ab Ecclesia, venditione tali Simonia committitur, ut dictum est *tit. præc. n. 205.* quia talis Jurisdictio censetur spiritualis dependenter, cum procedat, ac dependeat ab Ecclesia, vel ejus Capite Summo Pont. Suar. l. 4. de Simon. c. 20. n. 19. Barbof. in c. quoniam 2. h. tit. n. 4. Pirhing *hic n. 3.*

Si non habeatur ab Ecclesia, venditio quidem ejus Simoniaca non est, est tamen turpe, & illicitum lucrum: & quia ejus emptores, & conductores magis solliciti esse solent, ut pecuniam datam cum auctario, à litigantibus extortam recuperent, quam ut his tribuant jus, aut Remp. nocentibus purgent, ideo hujusmodi mercatus, tanquam redundans in gravamen subditorum, & Judiciorum perversionem, merito damnatur c. quoniam cit. *Novell. 8. pr. 7. administrationes.* Holt in *Summ. hic n. 1.* Abb. in c. 1. b. tit. n. 1. Fagnan. in c. quoniam cit. n. 5. Gonzal. in c. 3. eod. n. 4. Zœf. *hic n. 1.* Pirhing n. 1. Wiestner n. 4. Reiffenstuel n. 1.

Dub. 2. utrum Prælati, cujus v. g. Monasterio Parochia, vel aliud Beneficium incorporatum est, impune, & absque Simonia, à Vicario, ad id substituto, exigere, & accipere possit Pensionem annuam sub titulo *Absentia*, ut vocant? *affirmativè:* quia eam non accipit pro concessa administratione, aut Vicariatu, sed pro fructibus, tali Vicario relictis; cum enim fructus isti ex natura incorporationis directe ad eum Præla-

tum, & Monasterium, cui Beneficium incorporatum est, pertineat, & Vicario solum congrua portio, sive sustentatio debeatur, nihil prohibet, quò minus cum eodem Vicario, Prælati tractare, & contrahere queat de integris fructibus ei relinquendis pro certa pecuniæ quantitate annuatim sub nomine *Absentia*, vel alio quocunque titulo solvenda, *Conf.* nam tale Pactum in sua natura est Locatio fructuum. possunt autem fructus Ecclesiarum, cum rei spiritualis rationem non habeant, ad breve tempus, scilicet triennij sine solemnitate, & ad longius cum solemnitate concedi, & locari etiam Laico c. *fin. b. tit.* junct. *Extrav. ambitiose de reb. Eccl. non alien.* Trid. *sess. 25. c. 11. de reform.* Vallens. *hic n. 2.* König n. 3.

Dub. 3. quas pœnas incurrant, qui contra prohibitionem istius Rubricæ, & textuum subjeutorum sub annuo Censu concedunt Regimen, & potestatem spirituales, Prælaturis, Dignitatibus, Officijs, & Beneficijs annexam? *1.* tam dans, quam accipiens excluduntur ab Ecclesia, in cujus contumeliam res data, & accepta est c. *consulere 38. de Simon.* *2.* Qui dat pecuniam pro Officio, aut Jurisdictione spirituali, tale Officium perdit, malè autem ita conferens amittit conferendi illius potestatem c. *præterea 13. h. tit.* *3.* Dans pecuniam removetur à Clero; Episcopus verò, pro illa conferens spirituales Jurisdictionem, quandoque deponitur, quandoque suspenditur ad tempus pro qualitate delicti c. *quoniam 2. h. tit.* *Gloss. ibid. V. Canonica.* Fagnan. in c. *præterea cit. n. 1.* Honor. *hic n. 2.* Reiffenstuel n. 3.

TITULUS V.

De Magistris, & ne aliquid exigatur pro Licentia docendi.

Principalis Rubricæ præsentis intentio est determinare, num aliquid peti pro Licentia docendi possit: quod antequam exa-

minem, aliqua præmittenda sunt de Magistris, & Doctoribus, horumque Juribus, creatione &c.

§. I.

De Gradibus, & Honoribus Literarijs.

S U M M A R I U M.

1. 2. 3. Quot sint Ordines Graduatorum?

4. &c. Privilegia, quibus gaudent Magistri, seu Doctores Theologia, Juris, & Medicinæ.

16. &c. Ordo Doctorum in congressibus, & suffragatione in senatu.

19. &c. Penes quos resideat potestas illos creandi?

22. &c. Quanam creari Doctores possint?

28. &c. Quæ sit forma illos creandi?

30. &c. Quid observandum circa sumptus Institutionis?

32. An Doctorum privilegia competant malè promotis?

33. 34. An iisdem privilegijs gaudeant Doctores Bullati?

35. 36. An Licentiatum?

N 3

Quæ?